

1754. MENSE MAIO. ZAGRABIAE.

Articuli Generalis, A. 1754. 27. et sequentibus mensis Maji diebus, Zagrabiae, celebratae Congregationis.

Acta et Articuli Inclytorum Dominorum Statuum et Ordinum Regnorum Dalmatiae, Croatiae et Slavoniae in Generali Eorundem, ex Edicto et sub Praesidio Illustrissimi Domini Comitis, Domini Adami junioris de Batthyán perpetui in Nemeth-Ujvar, Sacratissimae Caesareo-Regiae Majestatis Actualis Camerarij, Generalis Campi Vigiliarum Praefecti, Comitatus Castri Ferrei perpetui Comitis, ac praeatactorum Regnorum Officij Banalis Locumtenentis, pro vigesima septima et sequentibus Mensis May, Anni Millesimi Septingentesimi Quinquagesimi Quarti, Diebus, Zagrabiae, celebrata Congregatione conclusi.

(Caeteris exmissis.)

Articulus Trigesimus Primus.

De Sancti Joannis Baptistae pro Patrono Regni Constitutione, et de Servilibus operibus tempore festorum haud exceptorum admissione.

Ex ea, qua jam ab olim et semper in Sanctum Joannem Baptistam Praecursorem Christi Domini, in ipso utero Matris sanctificatum, et quo non surrexit major, Domini Status et Ordines feruntur pietate et devotione, Eundem pro perpetuo Regni hujusce Protectore et Defensore constituerunt elegeruntque, taliterque constituendo et elligendo Festivitatem Ejusdem cum consensu Illustrissimi et Reverendissimi Domini Domini Ordinarii, absque omni servilium Laborum Exercitio honorandam et collendam decreverunt. Caeterum Festa, in quibus audito praevis Sacro Missae Sacrificio Servilibus operibus indulta Pontificio vacare licebit, per suam Competentiam publicabuntur.

Articulus Trigesimus Quintus.

De Monasterij Marchensis restitutione ulterius Suae Majestati Sacratissimae supplicandum veniet.

Post motas nonnullas Quaestiones, quasi occasione Executionis Monasterij Marchensis per Illustrissimum Dominum Comitem Generalem Benvenutum a Petacz praeter et ultra a non Unitis occupaverit; quod item Knezij Episcopi Uniti reductionem desiderantes Supplicem eatenus suum subscribere coacti fuerint, quales nam ad cognoscendam Facti realitatem collectae fuerint Inquisitiones, easdem Dominus Joannes Szaycs, Comitatus Crisiensis Vice-Comes retulit, quas in sub-